

通鑑綱目

十三之下


獻帝

東 京 圖 書 館			
漢書門	正史類	別	五
函	架	八	七
冊	號	九	七

漢 書 門			
類	號	函	架
冊	九	七	三
冊	一	五	七

內 閣 文 庫		
漢	五	九
架	一	九
冊	七	七

內 閣 文 庫	
番 號	漢 5967
冊 數	97 (25)
函 號	283 35



糊などで貼り付けられている部分がめくれない箇所あり



發明

自曹操劫遷天子以來天下已非漢有董承以元舅之尊親承密詔與昭烈謀誅操而不克故昭烈在徐因遂起兵然前史未有書其討操者獨范史載董承等受密詔誅操其立義頗精然不言昭烈討操之舉至陳壽志魏反謂董承等謀反伏誅其謬妄無理莫甚於此及其志蜀始於昭烈稱漢中王之下錄其與董承等同謀誅操之語此則實事難泯不可得而曲說者也綱目於此特筆起義其曰起兵徐州討曹操者正所以扶三綱立人極誅亂臣賊子於千百載之下使古今大義無時而不明要使逆亂之徒終無以自立於天下其垂世教也大矣故曰綱目修而亂臣

賊子懼

庚辰五年春正月操殺車騎將軍董承遂擊備破

之備奔冀州

董承謀洩操殺承等皆夷三族操欲自討劉備諸將皆曰與公爭天下者袁紹也今紹方來而棄之東紹乘人後若何操曰劉備人傑也今不擊必為後患郭嘉曰紹性遲而多疑來必不速備新起眾心未附急擊之必敗操師遂東田豐說袁紹曰曹劉連兵未可卒解公舉軍而襲其後可一往而定紹辭以子疾豐舉杖擊地曰嗟乎遭難遇之時而以嬰兒

病失其會惜哉事去矣操擊劉備破之獲備

妻子進拔下邳禽關羽備奔青州歸袁紹紹

去鄴二百里迎之駐冀州注見秦二世

實

二年信都國下邳

郡名注見高帝六年青州注見桓帝永

康元年鄴縣名注見晉懷帝永嘉六年

書法

董承與備同謀誅操事泄被殺則曷為不書故書殺書故是以討賊與承

矣其不以討賊予承何也操之入承為之

二月曹操還官渡袁紹進軍黎陽夏四月紹遣

兵攻白馬操擊破之斬其將顏良文醜

通鑑綱目卷十三
操還官渡紹乃議攻許田豐曰曹操既破劉
備則許下非復空虛且操善用兵衆雖少未
可輕也今不如以久待之外結英雄內修農
戰然後簡其精銳乘虛迭出救右則擊其左
救左則擊其右使我未勞而彼已困不及三
年可坐克也今釋廟勝之策而決成敗於一
戰若不如志悔無及也紹不從豐彊諫紹械
繫之於是移檄州郡數操罪惡二月進軍黎
陽沮授臨行會其宗族散財與之曰執存則
威無不加執亡則不保一身哀哉紹遣顏良
攻白馬沮授曰良性促狹鮮驍勇不可獨任
紹不聽四月操攻白馬荀攸曰今兵少不敵
必分其執乃可公到延津若將渡兵向其後
者紹必西應之然後輕兵襲白馬掩其不備

顏良可禽也操從之紹分兵西操乃引軍兼
行趣白馬良來逆戰關羽望見良麾蓋策馬
刺良於萬衆之中斬其首而還紹軍莫能當
遂解白馬之圍徙其民而西紹渡河追之沮
授曰勝負變化不可不詳今宜留屯延津分
兵官渡若其克獲還迎不晚設其有難衆弗
可還紹不從授臨濟歎曰上盈其志下務其
功悠悠黃河吾其濟乎遂以疾辭紹不許而
意恨之軍至延津南操勒兵駐營南阪下令
騎解鞍放馬是時白馬輜重就道諸將以爲
敵騎多不如還保營荀攸曰此所以餌敵如
何去之操顧攸而笑紹騎將文醜與劉備將
五六千騎前後至諸將白可上馬操曰未也
有頃騎至稍多或分趣輜重操曰可矣乃皆

上馬縱擊大破之斬醜醜良皆紹名將再戰禽之紹軍奪氣初操壯關羽之為人而察其無留意使張遼以其情問之羽歎曰吾極知曹公待我厚然吾受劉將軍恩誓以共死不可背之要當立效以報曹公乃去耳遼以報操操義之及殺良操知其必去重加賞賜羽盡封其所賜拜書告辭而奔劉備於袁軍左右欲追之操曰彼各為其主勿追也操還軍官渡間柔遣使詣操操以柔為烏桓校尉鮮于輔來見操以為度遼將軍還鎮幽土

實

一統志云白馬漢之縣名屬東郡本春秋衛之曹邑三國魏廢之故址在大名府城

南二百三十里滑縣治南又注見高帝三年白馬津延津在大名府滑縣境靈河廢縣東

廿二十里趙石勒伐劉曜至河者不得渡時流漸下因風結冰濟訖永泮勒自以為得天助因號曰靈昌津又有湖周十里曰靈昌湖幽土謂幽州之土地也注見唐高祖武德四年

孫策卒弟權代領其衆

策欲乘虛襲許部署未發會先所殺吳郡太守許貢奴客因其出獵伏篁竹中射之中頰創甚召張昭等謂曰中國方亂以吳越之衆三江之固足以觀成敗公等善相吾弟呼權佩以印綬謂曰決機於兩陳之間與天下爭衡卿不如我舉賢任能各盡其心以保江東

我不如卿遂卒時年二十六權悲號未視事
昭曰孝廉此寧哭時邪乃易權服扶上馬使
出巡軍上表朝廷下移屬城中外將校各令
奉職周瑜自巴丘將兵赴喪留與張昭共掌
衆事時策雖有會稽吳郡丹陽豫章廬江廬
陵然深險之地猶未盡從流寓之士皆以安
危去就為意未有君臣之固而昭瑜等

集覽

謂權可與共成大業遂委心而服事焉
三江之固禹貢三江既入蔡氏集傳載蘇氏
所謂三江恐是又呂誨奏劄云據三江之口
三巴二廣水陸數十路沿沂上下舟車所聚
之處孝廉為句時郡察孝廉州舉茂才漢以
孫策遠修職貢遣劉琬加錫命琬語人曰孫
氏兄弟惟中弟孝廉故張昭稱為孝廉吳郡

周為吳國封泰伯於此今蘇州是也正義曰

東漢以浙西為吳郡陳為吳州隋改蘇州宋

陞平

質實

一統志云吳郡本周泰伯仲雍始
居之地武王封仲雍後於此為吳

國自闔閭已後並都焉戰國時屬越後屬楚

秦置會稽郡治此漢初因之尋改屬江都東

漢始分此為吳郡三國屬吳晉宋齊梁皆為

吳郡隋初改為蘇州後改為吳州唐初復為

蘇州後又改吳郡南唐陞為中吳軍宋初為
平江軍後改平江府元改為平江路本朝
改為蘇州府直隸京師張昭彭城人吳越二
國名吳注見吳郡越注見和帝永元元年會
稽郡三江在蘇州府崑山縣南九里唐仲初
吳都賦注松江七才里分流東北入海者為

婁江東南流者為東江併松江為三江其地今亦名三江口吳越春秋謂范蠡乘舟出三江口即此巴丘山名
注見建安十五年

秋袁紹遣劉備畧汝穎曹操擊走之備復以紹

兵至汝南

汝南黃巾劉辟等叛曹操應袁紹紹遣劉備將兵助辟郡縣多應之陽安都尉李通急錄戶調朗陵長趙儼以書與荀彧曰今陽安百姓困窮鄰城並叛易用傾蕩乃一方安危之機也且此郡人執忠守節在險不貳以為國家宜垂慰撫而更急歛繇絹何以勸善或曰

白操悉以綿絹還民上下歡喜郡內遂安時操制新科下州郡頗增嚴峻而調綿絹方急長廣太守何夔言於操曰先王辨九服之賦以殊遠近制三典之刑以平治亂愚以為此郡宜依遠域新邦之典其民間小事使長吏臨時隨宜上不背正法下以順百姓之心比及三年民安其業然後乃可齊之以法也操從之劉備畧汝穎之間操使曹仁擊破走之盡復收諸叛縣備還說紹南連劉表紹遣備復至汝南操遣將擊之為備所殺

集覽

陽安郡名今簡州是在成都路三國志陽安關口是也九服之賦禮秋官大行人邦畿方

千里其外方五百里謂之侯服歲壹見其貢祀物又其外方五百里謂之甸服二歲壹見

其貢嬪物又其外方五百里謂之男服三歲
壹見其貢器物又其外方五百里謂之采服
四歲壹見其貢服物又其外方五百里謂之
衛服五歲壹見其貢材物又其外方五百里
謂之要服六歲壹見其貢貨物九州之外謂
之蕃國世壹見各以其所貴寶為擊注九州
之外夷服鎮服蕃服無朝貢之歲父死子立
及嗣王即位乃壹來貢又九服注見末文帝
元嘉二十三年三典之刑禮秋官大司寇掌
建邦之三典以佐王刑邦國一曰刑新國用
輕典二曰刑平國用中典三曰刑亂國用重典
安時屬劉璋非曹操所及此乃汝南陽安也
集覽殊誤後漢書郡國志汝南郡陽安註云

獻帝初平二年分二縣置陽安都尉朗陵亦
汝南縣分屬陽安故下文朗陵長云云也

質實 一統志云陽安古江國地名漢置陽安
縣屬汝南郡晉省之故城在汝寧府息

縣西南一十里朗陵縣名注見明帝永平十
三年趙儼陽翟人長廣漢之郡名治長廣縣

北齊省之故城在登州府萊
陽縣東五十里何夔陳郡人

書法 備嘗書討操矣是亦敵操也曷為書
畧書至如常辭非義討也其非義討

何紹遣之也綱目惡紹故
汝南之戰備殺操將不書

九月朔日食○表紹攻曹操於官渡冬十月操

龍襄破其輜重紹軍大潰

袁紹軍揚武沮授說曰北兵雖衆而勁果不及南南兵雖精而資儲不如北南幸於急戰北利在緩師宜徐持久曠以日月紹不從八月紹進營稍前東西數十里操亦分營與相當出兵戰不勝復還堅壁紹爲高櫓起土山爲地道攻之操衆少糧盡士卒疲乏百姓多叛操與荀彧書議欲還許以致紹師彧報曰紹悉衆聚官渡欲與公決勝敗公以至弱當至疆若不能制必爲所乘是天下之大機也且紹布衣之雄耳能聚人而不能用以公之神武明哲而輔以大順何向而不濟今穀雖少未若楚漢在滎陽成臯間也是時劉項莫肯先退者以爲先退則執屈也公以十分居一之衆畫地而守之搯其喉而不得進已半年矣情見勢竭必將有變此用奇之時不可失也操乃堅壁持之紹運穀車數千乘至官渡操擊燒之十月紹復遣軍運穀使淳于瓊等將兵送之沮授說紹可別爲支軍於表以絕曹操之鈔許攸曰曹操悉師拒我許下執必空弱若分遣輕軍星行掩襲許可拔也許拔則奉迎天子以討操操成禽矣如其未潰可令首尾犇命破之必也紹皆不從會攸家犯法審配妝繫之攸怒遂犇操操聞其來跣出迎之撫掌笑曰子卿遠來吾事濟矣旣入坐謂操曰袁氏軍盛何以待之今有幾糧乎操曰可支一月爲之柰何攸曰袁氏輜重萬

餘乘在故市烏巢屯軍無嚴備若以輕兵襲之燔其積聚不過三日袁氏自敗也操大喜乃留荀攸曹洪守營自將步騎五千用袁軍旗幟銜枚縛馬口夜從間道出人抱束薪至屯放火急擊之紹聞操擊瓊謂其子譚曰就操破瓊吾拔其營彼固無所歸矣乃使其將高覽張郃等攻操營郃曰曹公精兵往必破瓊請先救之郭圖固請攻操營郃曰曹公營固攻之必不拔若瓊等見禽吾屬盡爲虜矣紹但遣輕騎救瓊而以重兵攻營不能下騎至烏巢操大破之斬瓊等盡燔其糧穀紹軍恟懼郭圖慙復譖張郃郃遂與覽焚攻具詣操營降於是紹軍驚擾大潰紹及譚等幅巾乘馬與八百騎渡河操追之不及盡收其

重圖書珍寶餘衆降者操盡坑之前後所殺七萬餘人沮授爲操軍所執大呼曰授不降也操與之有舊遂赦而厚遇焉授尋謀歸袁氏操乃殺之操收紹書中得許下及軍中人書皆焚之曰當紹之疆孤猶不能自保况衆人乎冀州城邑多降於操紹走至黎陽北岸入其將蔣義渠營義渠避帳而處之使宣號令衆聞紹在稍復歸之或謂田豐曰君必見重矣豐曰公貌寬而內忌不亮吾忠若勝而喜猶能赦之今戰敗而恚吾不望生紹謂逢紀曰田別駕前諫止吾吾亦慙之紀曰豐聞將軍之退拊手大笑喜其言之中也紹於是謂僚屬曰吾不用田豐言果爲所笑遂殺之紹爲人寬雅有局度喜怒不形於色而性矜

慢自高短於從集覽陽武注見秦始皇二十九年高櫓城上白露屋

善故至於敗集覽九年高櫓城上白露屋名之曰櫓又戰陣高巢車亦謂之櫓攸家許攸之家人子卿許攸字故市史記漢高功臣

侯年表故市索隱曰縣名屬河南烏巢今睢州有巢亭屬河南或云此即古烏巢也實

實榮陽縣名注見秦莊襄王元年前成臯縣名注同上年許縣名注見後王建興十年張

邠河間鄭人許攸汝南平輿人

發明表紹移檄州郡數操罪惡綱目何不

實不過亦欲為操所為耳豈能翊戴帝室為漢氏之純臣耶使操無成固不能以篡

漢紹而有成是亦一操而已君子豈得過予之哉

有星亭于大梁質實大梁注見漢隱帝乾祐元年分野有災○以

劉馥為揚州刺史

廬江梅乾等聚眾數萬在江淮間曹操表馥刺揚州時揚州獨有九江馥單馬造合肥空

城建立州治招懷乾等恩化大行流民歸者以萬數於是廣屯田興陂塢官民有畜乃聚

諸生立學校又高為城壘集覽興陂塢陂塢也塢亦堰屬

多積木石以修守戰之備質實劉馥沛人廬江郡陂塢水也時興治乃質實名注見漢景帝四

年揚州注見秦王政六年壽春九江郡名
注同上年合肥縣名注見靈帝中平五年

以孫權為討虜將軍

曹操聞孫策死欲因喪伐之張紘諫曰乘人之喪既非古義若其不克成讎棄好不如因而厚之操即表權為討虜將軍領會稽太守操欲令紘輔權內附乃以紘為會稽都尉紘至吳太夫人以權年少委紘與張昭共輔之紘思惟補察知無不為魯肅將北還周瑜止之因薦於權曰肅才宜佐時當廣求其比以成功業權即見肅與語悅之賓退獨引肅合榻對飲問計肅曰漢室不可復興曹操不可卒除為將軍計惟有保守江東以觀天下之

釁耳若因北方多務勦除黃祖進伐劉表竟長江所極據而有之此王業也張昭毀肅年少龕踈權益貴重之權料諸小將兵少而用薄者并合之別部司馬呂蒙軍容鮮整士卒練習權大悅增其兵寵任之功曹駱統勸權尊賢接士勤求損益饗賜之日人人別進問其燥濕加以密意誘喻使言察其志趣權納用焉

集覽

龕踈龕狠踈率也顏師古

質實

駱統

劉表攻長沙零陵桂陽皆下之

劉表攻長沙零陵桂陽皆平之於是表地方
數千里帶甲十餘萬遂不供職貢郊祀天地
居處服用僭擬乘輿焉
質實長沙郡名注見興平元年
零陵郡名注見晉武帝太
康元年桂陽郡名注
見武帝元鼎五年

益州司馬張魯據漢中從事趙韙作亂

張魯以劉璋闇懦遂據漢中初南陽三輔民
流入益州者數萬家劉焉悉收以為兵璋性
寬柔無威畧東州人侵暴舊民璋不能禁趙
韙素得人心因士民之怨遂作亂攻璋賂荆
州與連和蜀郡廣漢郡及三輔流民皆應之

集覽東州人謂南陽郡及三輔流民
漢中郡名注見成帝鴻嘉三年漢中郡名注
見周赧王四年韙為郡名注見光武建武十

二年

辛巳六年春三月朔日食○夏四月曹操擊袁紹

倉亭破之

考異

提要亭下有軍字
據分注合從提要

曹操以袁紹新破欲以其間擊劉表荀彧曰
紹既新敗其眾離心宜乘其困遂定之而欲
遠師江漢若紹收其餘燼乘虛以出人後則
公事去矣操乃揚兵河上擊紹倉亭軍破之

秋九月擊劉備於汝南備奔荊州

考異

擊字上
當有操

借軍徐

字

操擊備於汝南備奔劉表表聞備至自出郊迎以上賓禮待之益其兵使屯新野備在荆州數年嘗於表坐起至廁慨然流涕表恠問備備曰平常身不離鞍髀肉皆消今不復騎髀裏肉生日月如流老將至矣而功業不建是以悲耳

集覽

髀肉髀補

也股外

質實

汝南縣名注見光武建武十九年新野縣名注見平帝元始四年

趙韙圍成都敗死

韙既敗死其黨巴郡太守龐羲欲為亂遣吏程祁宣言於其父漢昌令畿不得羲怒使人謂畿曰不從太守禍將及家畿曰樂羊食子非無父子之恩大義然也今雖羨祁以賜畿畿啜之矣

集覽

漢昌令畿漢昌縣屬巴郡畿羲乃止祁之父名也為漢昌縣令不

得為句猶言不從樂羊食子韓非子曰魏文侯遣樂羊攻中山時羊有子在中山中山君烹其子而遺之羹

質實

一統志云漢昌東漢之縣名屬巴郡晉析

置蒼溪縣屬巴西郡劉宋併蒼溪入漢昌隋復改漢昌為蒼溪唐宋元俱仍舊本朝因之改屬保寧府巴郡注見建安十九年樂羊子戰國魏人文侯時為將伐中山克之封於

靈壽子孫因家
焉樂毅其後也

張魯取巴郡詔以魯為漢寧太守

張魯以鬼道教民使病者自首其過為之請
禱實無益於治病然小人昏愚競共事之犯
法者三原然後行刑不置長吏皆以祭酒為
治民夷便樂之後遂襲取巴郡朝廷力不能
征遂就寵魯為漢寧太守通貢獻而已民有
地中得玉印者群下欲尊魯為漢寧王閻圃
諫曰漢川之民戶出十萬財富土沃四面險
固上匡天子則為桓文次及竇融不失富貴
今承制署置執足斬斷不煩於
集覽 三原猶
王願且不稱勿為禍先魯從之

也禮秋官司刺掌三宥之法祭酒為治祭酒
非官名蓋一坐之元長也古者賓客初得主
人饌則長者一人先舉酒以祭地今稱祭酒
者相尊敬之詞也桓文齊桓公晉文公皆春
秋時賢君糾合諸侯尊周室治疆楚天下諸
侯皆尊之以為霸王其降王者止一等耳竇
融更始時為張掖郡都尉後更始敗融遂據
有河西自稱五郡大將軍光武即位融入見
詔為涼州牧
質實 漢寧郡名注見周赧王四
後封安豐侯
始拜為鉅鹿太守融以東方尚擾求為張掖
屬國都尉撫輯雄傑遂據河西光武即位決
策歸漢授涼州牧後從
征隗躡以功封安豐侯

七年春正月曹操復進軍官渡夏五月袁紹

卒幼子尚襲行州事長子譚出屯黎陽操攻敗

之

袁紹慙憤發病嘔血薨初紹有三子譚熙尚紹後妻劉氏愛尚紹欲以為後乃以譚繼兄後出為青州刺史沮授諫曰世稱萬人逐兔一人獲之貪者悉止分定故也譚當為嗣而斥使居外禍其始此矣紹曰吾欲令諸子各據一州以視其能於是熙為幽州刺史揚高幹為并州刺史逢紀審配素為譚所疾辛

以譚長欲立之配等恐譚立而評等為害遂矯紹遺命奉尚為嗣譚至不得立自稱車騎將軍屯黎陽尚少與之兵而使紀隨之譚求益兵配等不與譚怒殺紀曹操攻譚尚自將助之與操相質實黎陽縣名注見拒譚尚數敗

發明

紹既敗亡初不足道然必書幼子襲

幼之戒且以見譚尚交攻之由耳

袁尚遣郭援高幹徇河東鍾繇擊破之斬援

尚遣其將郭援高幹共攻河東發使與馬騰等連兵援所經城邑皆下河東郡吏賈逵守

絳援攻之急父老約援不害達乃降援許之
 既而以兵劫之欲使為將達不動左右使叩
 頭達叱之曰安有國家長吏為賊叩頭援怒
 將斬之或伏其上以救之吏民皆乘城呼曰
 負約殺我賢君寧俱死耳乃囚之壺關有祝
 公道者夜盜出之操使鍾繇圍南單于於平
 陽未拔而援至繇使張既說馬騰為言利害
 騰疑未決傳幹說曰智者轉禍為福今曹公
 與袁氏相持而高幹郭援合攻河東曹公雖
 有萬全之計不能禁河東之不危也將軍誠
 能引兵討援內外擊之其執必舉是將軍一
 舉斷袁氏之臂解一方之急曹公必重德將
 軍將軍功名無與比矣騰乃遣子超將兵與
 繇會初諸將以郭援眾盛欲釋平陽去繇曰

袁氏方彊援之來關中陰與之通所以未悉
 叛者顧吾威名故耳若棄而去示之以弱所
 在之民誰非寇讎縱吾欲歸其得至乎此為
 未戰先自敗也且援剛愎好勝必易吾軍若
 渡汾為營及其未濟擊之可大克也援至果
 徑前渡汾未半繇擊破之南單于亦降援繇
 之甥也校尉龐德斬之繇見其頭而哭德
 謝繇繇曰援雖我甥國之賊也何謝之有

集覽 河東漢河東郡即晉陽也今蒲州是括地
 志云故城在今絳州夏縣東北十五里絳
 漢屬河東郡史記晉世家獻公八年城聚都
 之命曰絳左傳莊二十六年晉士蔿城絳杜
 預曰今平陽絳邑縣成六年晉人謀去故絳
 遷于新田亦號絳邑壺關縣屬上黨按上黨

今潞州是渡汾汾水注質實一統志云河東

見周威烈王二十三年秦之郡名治蒲

坂縣漢因之後魏蕪置秦州後周改為蒲州

隋初郡廢州存大業初改河東郡治河東縣

唐改蒲州屬河東道開元中改河中府陞為

中都尋復為蒲州天寶初改河東郡乾元初

復為蒲州尋改河中府五代梁置護國軍節

度宋仍舊屬陝西路金為蒲州天德初復為

河中府屬河東南路元因之本朝復為蒲

州以河東縣省入仍屬平陽府絳漢之縣名

屬河東郡周勃受封絳侯即此晉屬平陽郡

後魏置南絳縣及南絳郡後周廢郡改為絳

縣因縣有絳山故名隋屬絳州唐改屬滄州

後仍屬絳州宋金元仍舊本朝因之屬至

曹操責孫權任子權不受命

陽府壺關漢初縣名屬上黨郡後移郡治此
後魏移縣治潁陽岡隋分置上黨縣大業初
省入上黨唐初復置壺關於高望堡貞觀中
又移治清流川即今治宋金元仍舊本朝
因之屬潞州平陽郡名注見周
威烈王二十三年賈逵襄陵人

曹操下書責孫權任子權召群僚會議張昭
等猶豫不決權引周瑜詰吳夫人前定議瑜
曰昔楚國初封不蒲百里繼嗣賢能廣土開
境遂據荆楊至於南海傳業延祚九百餘年
今將軍承父兄餘資蕪六郡之眾兵精糧多
將士用命鑄山煮海境內富饒有何偏迫而

欲送質質一入不得不與曹氏相首尾與相首尾則命召不得不往如此見制於人極不過一侯印僕從十餘人車數乘馬數匹豈與南面稱孤同哉不如勿遣徐觀其變若曹氏能率義以正天下將軍事之未晚若為暴亂彼自亡之不暇焉能盡人吳夫人曰公瑾議是也公瑾與伯符同年小一月耳我

集覽

在

視之如子汝其兄事之遂不送質猶言質子也送質句絕下文質一入為句質並如字讀注見周顯王四十一年質焉伯符

係策

正誤

送質今按

質實

南海郡名注見晉武帝太康元年交

廣荆揚二州名荆注見建安十三年南郡揚注見秦王政六年壽春

書法

書操責何非為漢也書不受命蓋予之

發明

所惡於上無以使下所惡於下無以事上有諸已而後可以求諸人無諸

已而後可以非諸人曹操劫遷天子斷喪王室篡勢已成乃欲越江漢而責人難矣綱目書操責孫權任子權不受命其與春秋書宣公平莒及邾莒人不肯異事而同意是皆以疆大不能行之於弱小者也書法若此所以戒後人當先自治其本故行有不得者反求諸已而已若操何足以知此

癸未八年春二月曹操攻黎陽譚尚敗走夏四月

操追至鄴而還譚攻尚不克

曹操攻黎陽譚尚敗走還鄴操追至鄴諸將欲遂攻之郭嘉曰袁紹愛此二子莫造立也今權力相侔各有黨與急之則相保緩之則爭心生不如南向荊州以待其變變成而後擊之可一舉定也操曰善留賈信守黎陽而還譚謂尚曰今曹軍退人懷歸志及其未濟出兵掩之可令大潰此策不可失也尚疑之譚大怒攻尚譚敗引兵還南皮譚別駕王修自青州來救譚欲更還攻尚修曰兄弟者左右手也今與人鬪而斷其右手曰我必勝其可乎夫棄兄弟而不親天下其誰親之彼諛人離間骨肉以求一朝之利願塞耳勿聽也

若斬佞臣數人復相親睦以御四方可橫行於天下譚不從

集覽

莫適適音的注

見桓帝元嘉元年南皮滄州南皮縣漢屬河間國地理志勃海郡有皮縣括地志云今滄州南皮縣北四里本漢皮縣城即陳餘所封邑

質實 一統志云南皮漢之縣名屬渤海郡因章武有北皮亭故此曰南皮東漢為渤海郡治三國魏仍為南皮縣隋屬渤海郡唐屬景州貞觀中屬滄州長慶初復屬景州五代周屬滄州宋金元仍舊本朝因之改屬河間府青州注見桓帝永康元年別駕官名注見宋文帝元嘉二十八年王修城陽營人

秋八月操擊劉表尚圍譚於平原冬十月操還

救却之

考異

提要還下有軍字

操擊劉表軍於西平表尚攻表譚大破之譚奔平原尚圍之急譚遣辛評弟毗詣曹操請救劉表以書諫譚曰君子違難不造讎國交絕不出惡聲况忘先人之讎棄親戚之好而為萬世之戒遺同盟之耻哉若冀州不弟君當降志辱身以濟事為務事定之後使天下平其曲直不亦為高義邪又與尚書曰青州天性峭急迷於曲直君當先除曹操以卒先公之恨事定之後乃議曲直之計不亦善乎君迷而不反則是韓盧東郭自困於前而遺

田父之獲也譚尚皆不從毗至西平操群下多以為劉表方疆宜先平之荀攸曰天下苟有事而劉表坐保江漢之間其無四方之志可知矣表氏據四州之地帶甲數十萬紹以寬厚得衆心使二子和睦以守其成業則天下之難未息也今兄弟構惡其執不兩全若有所并則力專力專則難圖也及其亂而取之天下定矣此時不可失也操從之謂毗曰譚必可信尚必可克不毗對曰明公無問信與詐也直當論其執耳表氏兄弟相伐本謂天下可定於已而一旦求救於明公此可知也今其兵革敗於外謀臣誅於內兄弟讒鬪國分為二連年戰伐介冑生蟻蝨加以旱蝗饑饉金臻今往攻鄴尚不還救即不能自守

還救則譚踵其後此乃天亡尚之時也天以尚與明公明公不取而伐荊州荊州豐樂國未有釁二袁不務遠畧而內相圖朝不謀夕民命靡繼而不綏之欲待他年他年或登又自知亡而改修厥德失所以用兵之要矣今因其請救而撫之利莫大焉且四方之寇莫大於河北河北平則六軍盛而天下震矣操曰善乃許譚平十月至黎陽尚聞操度河乃釋平原還鄴

集覽

平原注見武帝元朔二年操引軍退

子之人交既絕不談彼之短冀州不弟弟通作悌去聲敬於兄長也袁尚為冀州牧故稱冀州譚尚兄也今尚攻譚是為不弟平其曲直平音病平其不平曰平韓盧東郭戰國策曰韓國有良犬名曰盧東郭之外有狡兔名曰魏史記范雎傳譬若馳韓盧而搏蹇兔也韓文毛穎傳居東郭

質實

西平縣名注見建安十三年平原郡

者魏許譚平平和也
名注見光武建武五年辛評穎川陽翟人

孫權遣兵討山越平之

孫權西伐黃祖破其舟軍而山寇復動權還使呂範等討之又以呂蒙等守劇縣令長悉平之賀齊討建安料出兵

集覽

劇縣注見光武建武三年

萬人權以為東平校尉料出兵按史記周宣王料民於太原韋昭曰料數也

正誤

劇縣今按集覽建武三年

註劇菑川國邑乃齊地也孫權所討乃江南
山越劇非縣名謂繁劇艱難之縣也料出兵
今按料如字點開見
數也宣王料民之料
質實
一統志云呂範汝
南細陽人賀齊會
稽人建安郡名注見
晉武帝泰始五年

九年春二月袁尚復攻譚夏四月曹操攻鄴

秋七月尚還戰敗走幽州操遂入鄴自領冀州
牧

正月曹操濟河過淇水入白溝以通糧道二
月尚復攻譚於平原留審配守鄴操為土山

地道以攻之又攻絕其糧道五月鑿塹圍城
周回四十里初令淺示若可越配望見笑之
不出爭利操一夜濬之廣深二丈引漳水灌
之城中餓死者過半七月尚將萬餘人還救
鄴先使主簿李孚入城孚著平上幘投暮詐
稱都督歷北圍而東呵責守圍將士隨輕重
行罰遂歷操營前至南圍責怒守者收縛之
因開其圍馳到城下呼城上人得入操聞笑
曰此非徒得入也方且復出孚知圍不可復
冒乃請配悉出城中老弱以省穀夜持白幡
出降孚隨輩出突圍得去尚兵既至配出兵
城北操逆擊之敗還尚亦破走依曲漳為營
操遂圍之尚懼求降不聽衆潰奔中山審配
殺辛毗家屬令士卒堅守死戰伏弩射操幾

中配兄子榮開門內操兵配拒戰被執毗以馬鞭擊其頭而罵之配顧曰狗輩正由汝曹破我冀州恨不得殺汝也且汝今日能殺生我邪操引見配欲活之配意氣壯烈終無撓辭遂斬之操乃臨祀紹墓哭之流涕慰勞紹妻還其家人寶物賜繒絮稟食初紹與操共起兵紹問操曰若事不輯則方面何所可據操曰足下意以為何如紹曰吾南據河北阻燕代兼戎狄之衆南向以爭天下庶可以濟乎操曰吾任天下之智力以道御之無所不可九月詔以操領冀州牧操讓還兗州初尚遣從事牽招至上黨聞尚走說高幹以并州迎之不從招乃詣操復為從事操又辟崔琰為別駕謂曰昨按戶籍可得三十萬衆

大州也對曰今九州幅裂二表親尋干戈冀方烝庶暴骨原野未聞王師存問風俗救其塗炭而唯以校計甲兵為先斯豈鄆州士女所望於明公哉操改容謝之許攸恃功嫚操操竟殺之淇水淇源出河內郡共北山東至黎陽入河一曰水出隆慮縣西山有澳水流入淇水詩所謂淇澳者也通志云淇水一名清水鄆道元云即絳水也白溝今涿州新城縣南四十里白溝河也宋與遼以此為界水經云白溝源出代郡漆水由易州界至拒馬河合流東入海漳水注見高帝十年隨輩出隨降者之等輩同出城中山注見周威烈王二十一統志云淇水源出懷三年牽招姓名實實慶府濟源縣西八十里

王屋山東自天壇避秦溝出焉引流南入黃河白溝河名在保定府新城縣南三十五里拒馬河下流即宋與遼分界之處崔琰東武城人袁紹墓在彰德府臨漳縣西北一十六里上黨郡名注見周威烈王二十三年

冬十月有星孛于東井

質實

東井注見武帝元封元年

○高

幹以并州降復以為刺史

質實

并州注見晉愍帝建興四年

○十二月曹操拔平原拔之袁譚走保南皮

袁譚復背曹操與書責之然後進討譚拔平原走保南皮操入平原畧定諸縣

公孫度卒子康襲行郡事

曹操表度為武威將軍封永寧鄉侯度曰我王遼東何永寧也藏印綬於武庫是歲卒子

康 **質實** 一統志云永寧鄉在遼東義州衛東三十里今為堡

丹陽郡吏殺其太守孫翊翊妻徐氏討殺之

異 按征伐例曰凡得其罪人於臣子曰誅於夷狄若非臣子曰斬曰殺此太守討殺郡吏亦

當書誅誤作殺字耳

丹陽督嬖覽丞戴真殺太守孫翊覽欲逼取翊妻徐氏徐給之曰乞須晦日設祭除服然

後聽命潛使所親詣翊舊將孫高傳嬰等與共圖覽高嬰涕泣許諾密呼翊時侍養者二十餘人與盟誓合謀晦日設祭徐哭泣盡哀畢乃除服薰香沐浴言笑懽悅覽密覘無復疑意徐呼高嬰置戶內使人召覽入造得一拜徐大呼二君可起高嬰俱出共殺覽餘人即就外殺真徐氏乃還線經奉覽負首以祭翊墓舉軍震駭孫權族誅覽真餘黨擢高嬰為牙督媯覽督官名媯覽姓名史炤釋門

集覽 文曰凡言督察也媯居為反丞戴負丞郡丞也掌佐守典武職甲卒戴負姓名負音云線經注見晉武帝泰始二年

實 冊陽郡注見明帝永平十三年

書法

婦人討賊綱目以來未有也故特書之終綱目婦人討賊二孫翊妻徐氏

馮寶妻洗氏討而能殺之者一人而已

發明

女子能守節不辱者已足深嘉未有能臨變設謀如徐氏者故特書討殺

以著其績

乙酉十年春正月曹操攻南皮克之斬袁譚

曹操攻南皮袁譚出戰士卒多死操欲緩之議郎曹純曰今縣師深入難以持久若進不能克退必喪威乃自執桴鼓以率攻者遂克之譚出走追斬之告諭吏民各安故業斬郭

圖等及其妻子王脩請操乞收葬譚尸許之
辟為司空掾郭嘉說操多辟青冀幽并名士
為掾屬操從之官渡之戰袁紹使陳琳為檄
書數操罪惡連及家世極其醜詆及是琳歸
操操曰卿昔為本初移書但可罪狀孤身何
乃上及父祖邪琳謝罪操釋之使與阮瑀俱
管記

集覽

浮鼓槌也桴亦作枹前張敞傳枹

鼓稀鳴注

質實

王脩北海人阮瑀陳留尉氏人

幽州將吏逐刺史袁熙遣使降操熙尚俱奔烏

桓

袁熙為其將焦觸張南所攻與尚俱奔遼西
烏桓觸自號幽州刺史驅率守令背袁向曹
陳兵數萬殺白馬而盟今日敢違者斬眾莫
敢仰視各以次歎別駕韓珩曰吾受袁公父
子厚恩今其破亡智不能救勇不能死於義
闕矣若乃北面曹氏所不能為也一座失色
觸曰夫舉大事當立大義事之濟否不
待一人可卒珩志以厲事君乃拾之

集覽

遼西烏桓遼水出高句麗在幽州之域烏桓
東胡餘種本在遼東後有散居遼水西者以
次歎按次第歎血也歎血
質實一統志云遼
注見周赧王五十七年
西漢之郡名
治肥如縣東漢末廢之故城在永平府治
東烏桓東胡國名注見宣帝本始三年

夏四月黑山賊帥張燕降

質實

黑山注見靈帝中平二年

冬十月高幹復叛詔以杜畿為河東太守

高幹復以并州叛守壺關口河內張晟眾萬餘人寇滎澗河東太守王邑被徵郡掾衛固范先等詣鍾繇請留之繇不許固等與幹通謀曹操謂荀彧曰關西諸將外服內貳張晟寇亂南通劉表固等因之將為深害當今河東天下之要地也君為我舉賢才以鎮之彧曰京兆杜畿勇足以當難智足以應變操乃以畿為河東太守固等使兵絕陝畿至數月不得渡操遣夏侯惇討固等未至畿曰河東有三萬戶非皆欲為亂也今兵迫之急欲


為善者無主必懼而聽於固固等執專必以死戰討之不勝為難未已討之而勝是殘一郡之民也且固等未顯絕王命外以請故君為名必不害新君吾單車直往出其不意固為人多計而無斷必偽受吾吾得居郡一月以計縻之足矣遂詭道從邙津渡范先欲殺畿乃於門下斬殺主簿以下三十餘人畿舉動自若於是固曰殺之無損徒有惡名且制之在我遂奉之畿曰衛范河東之望也吾仰成而已然君臣有定議成敗同之大事當共平議以固為都督行丞事領功曹將校吏兵三千餘人皆先督之固欲大發兵畿曰今大發兵眾情必擾不如徐以貲募兵固以為然從之得兵甚少畿又曰人情顧家諸將掾史

可分遣休息急緩召之不難固等惡逆衆心
又從之於是善人在外陰爲已援惡人分散
各還其家會白騎攻東垣高幹入獲澤畿乃
單將數十騎赴堅壁而守之吏民多舉城助
畿者固等與幹晟共攻不下畧無所得會操
徵馬騰等至擊晟固等破斬之於是畿務崇
寬惠民有辭訟爲陳義理遣歸諦息之父老
皆自相責怒不敢訟勸耕桑課畜牧百姓豐
實然後興學校舉孝弟脩戎事講武備河
東遂安畿在河東十六年常爲天下最
覽 嶠澠在陝州陝縣東嶠山名澠水名嶠山
在弘農澠池縣西故曰嶠澠嶠通作嶠
函注見漢王劉邦元年澠池注見光武建武
三年鄧津地名在弘農郡會白騎會值也黑

山賊張白騎東垣注見高帝八年
年獲澤注見明帝永平十四年

以荀悅爲侍中

時政在曹氏悅志在獻替而謀無所用故作
申鑒五篇奏之其大畧曰爲政之術先屏四
患乃崇五政僞亂俗私壞法放越軌奢敗制
四者不除則政未由行矣是謂四患興農桑
以養其生審好惡以正其俗宣文教以章其
化立武備以秉其威明賞罰以統其法是謂
五政人不畏死不可懼以罪人不樂生不可
勸以善故在上者先豐民財以定其志是謂
養生善惡要乎功罪毀譽效於準驗聽言責
事舉名察實無或詐僞以蕩衆心故俗無姦



惟民無淫風是謂正俗榮辱者賞罰之精華也故禮教榮辱以加君子化其情也桎梏鞭扑以加小人化其形也若教化之廢推中人而墜於小人之域教化之行引中人而納於君子之塗是謂章化在上者必有武備以戒不虞安居則寄之內政有事則用之軍旅是謂秉威賞罰政之柄也人主不妄賞非愛其財也賞妄行則善不勸矣不妄罰非矜其人也罰妄行則惡不懲矣賞不勸謂之止善罰不懲謂之縱惡在上者能不止下爲善不縱下爲惡則國法立矣是謂統法四患旣蠲五政又立行之以誠守之以固簡而不怠疎而不失垂拱揖讓而海內平矣悅爽之兄子也

集覽

中人處君子小人間者

實

荀悅穎川穎陰人

丙戌十一年春正月有星孛于北斗○曹操擊高

幹斬之以梁習爲并州刺史

時荒亂之餘胡狄雄張吏民亡叛入其部落兵家擁衆各爲寇害習到官誘喻招納皆禮召其豪右稍薦舉使詣幕府次發諸丁彊以爲義從又因大軍出征令諸將分請以爲勇力吏兵已去之後稍移其家前後送鄴凡數萬口其不從命者與兵致討單于恭順名王稽顙服事供職同於編戶邊境肅清百姓布野勤勸農桑令行禁止習乃貢達名士常林

三金... 卷十三... 九十五

楊俊之徒 **集覽** 雄張雄武稱也張去聲自後後皆顯名 **大也** 義從軍勇力軍編戶類

師古曰謂列 **質實** 梁習柘人常次名籍者 林河內人

以仲長統為尚書郎

初山陽仲長統遊學至并州遇高幹幹善遇之訪以世事統謂幹曰君有雄志而無雄才好事而不能擇人所以為君深戒也幹不悅統去之幹死荀彧舉統為尚書郎統嘗著論曰 **曷言** 其畧曰豪傑之當天命者未始有天下之分者也無天下之分故戰爭者競起焉角智者皆窮角力者皆負形不堪復仇執不足復校乃始羈首繫頸就我之銜繼耳及繼

體之時豪傑之心既絕士民之志已定貴者常家尊在一入當此之時雖下愚之才居之猶能使恩同天地威侷鬼神彼見天下莫敢與之違自謂若天地之不可亡也乃肆其私嗜騁其邪欲君臣宣淫上下同惡荒廢政棄忘人物信任親愛者盡佞諂容說之人寵貴隆豐者盡后妃姬妾之家遂至熬天下之脂膏斷生民之骨髓怨毒無聊禍亂並起中國擾攘四夷侵叛土崩瓦解一朝而去昔之為我哺乳之子孫者今盡是我飲血之寇讎也至於運徙執去猶不覺悟者豈非富貴生不仁沈溺致愚疾邪存亡以之迭代治亂從此周復天道常 **集覽** 銜繼銜馬口中勒以行然之大數也

通鑑綱目卷十三 漢獻皇帝建安七年 九十六

馬者繼亦作繼系也以繫馬者繼體注見成帝綏和二年容說說讀作悅文公曰阿狗以為容逢迎

質實

山陽郡名注見成帝河平二年

烏桓寇邊

烏桓乘天下亂畧有漢民十餘萬戶蹋頓尤疆為紹所厚故尚兄弟歸之數入塞為寇欲助尚復故地操將擊之先鑿平虜泉州渠以通運

集覽

蹋頓遼西烏桓別種名丘

質實

一統志云

丁亥十二年春二月曹操封功臣為列侯

書法

功臣何滅袁氏者也滅袁氏者也則其封侯宜矣曷為以曹操書操之滅

袁氏非為漢也則功臣亦有功於操而已矣故以曹操冠之是故責任子書曹操責封功臣書曹操封言非為漢也

夏操擊烏桓秋八月破之斬蹋頓袁熙袁尚

特遼東公孫康斬之

曹操將擊烏桓諸將皆曰袁尚亡虜耳夷狄貪而無親豈能為尚用今深入征之劉備必

說劉表以襲許萬一爲變事不可悔郭嘉曰公雖威震天下尚恃其遠必不設備如其無備卒然擊之可破滅也且袁紹有恩於民夷而尚兄弟生存今舍而南征尚因烏桓之資招其死主之臣以生蹋頓之心恐青冀非已之有也表坐談客耳自知才不足以御備重任之則恐不能制輕任之則備不爲用雖空國遠征公無憂矣操從之行至易嘉曰兵貴神速今千里襲人輜重多難以趨利不如輕兵兼道以出掩其不意初袁紹數遣使召田疇又卽授將軍印使統其衆疇皆拒之然每忿烏桓多殺其本郡冠蓋意欲討之而力未能至是操遣使辟之疇卽至隨軍次無終時方夏水雨而濱海洿下滯滯不通虜亦遮守

蹊要軍不得進疇曰此道秋夏有水淺不通車馬深不載舟船爲難久矣舊北平郡治在平岡道出盧龍達于柳城自建武以來陷壞斷絕尚有微徑若回軍從盧龍口越白檀之險出空虚之地路近而便掩其不備蹋頓可不戰而禽也操令疇將其衆爲鄉導上徐無山塹山堙谷五百餘里經白檀歷平岡涉鮮卑庭東指柳城未至二百里虜乃知之尚與蹋頓等將數萬騎逆軍八月操登白狼山卒與虜遇縱兵擊之虜衆大崩斬蹋頓降者二十餘萬尚熙犇遼東尚有數千騎或勸操遂擊之操曰吾方使公孫康送尚熙首不煩兵矣九月引還康果斬尚熙首送之諸將或問操操曰彼素畏尚熙吾急之則并力緩之

則自相圖其執然也操梟尚首令敢哭者斬
牽招獨設祭悲哭操義而舉之時天寒且旱
二百里無水軍又乏食殺馬數千匹以為糧
鑿地三十餘丈方得水既還科問前諫者皆
厚賞之曰孤前行乘危以徼倖不可以為常
諸君之諫萬安之計是以相賞後勿難言之
封田疇為亭侯疇曰吾始為劉公報仇率眾
遁逃志義不立反以為利非本志也固讓不
受後操復欲封之疇上疏陳誠以死自誓操
使疇所善夏侯惇喻之疇曰疇負義逃竄之
人耳蒙恩全活為幸多矣豈可賣盧龍之塞
以易賞祿哉必不得已請效死勿首於前言
未卒泣涕橫流惇以白操操知不可屈乃拜
議郎○操之北伐也劉備說劉表襲許表不

能用至是表謂備曰不用君言故為失此
會備曰今天下分裂日尋干戈事會之來豈
有終極乎若能應之於雋覽至易易地注見
後者則此未足為恨也與平二年冠蓋
蓋謂織也謂有冠有益之士大夫次無終春
秋釋例云凡師出一宿為舍再宿為信過信
為次也無終注見漢王劉邦元年北平注見
秦王政三年盧龍幽州屬郡名正義曰今平
州盧龍縣是也碣石山在其北沈括曰北方
水多黑色故曰盧龍郡北人謂黑為盧水為
龍盧龍即黑水也柳城營州屬邑東北有龍
山晉末燕築龍城於柳城之北正義曰柳城
在北平郡東北白檀山在徐無山東北北平
郡南徐無注見初平四年白狼山名在幽州

東北烏桓地中為劉公報仇

質實

一統志云田疇無終

劉公謂劉虞事在初平四年

人盧龍古之塞名本漢肥如縣之地屬遼西郡其土色黑山如龍形故名北齊屬北平郡

又析置新昌縣隋開皇中省肥如入新昌後為盧龍郡治唐武德初移平州治此改為盧龍縣遼金元俱仍舊本朝因之改屬永平府柳城漢之縣名屬遼西郡晉廢之唐復置

營州于此宋省之故城在永平府城西二十里白檀山名在順天府密雲縣南二十五里其山之陽古有白檀樹故名

遼東郡名注見秦王政三年

冬十月有星孛于鶉尾

集覽

鶉尾星名其次在巳楚之分野楚

惜誓篇晦庵集註南方七宿曰鶉首鶉火鶉尾蓋鶉無尾故以翼為尾云

○孫權

吳氏卒

吳氏病篤引見張昭屬以後事而卒

書法

孫權男何以書錄賢也

劉備見諸葛亮於隆中

初琅邪諸葛亮寓居襄陽隆中每自比管仲樂毅時人莫之許也惟穎川徐庶在州平然之州平烈之子也劉備訪士於襄陽司馬徽徽曰儒生俗士豈識時務者在乎俊

傑此間自有伏龍鳳雛備問爲誰曰諸葛孔明龐士元也徐庶亦謂備曰諸葛孔明臥龍也將軍豈願見之乎備曰君與俱來庶曰此人可就見不可屈致也將軍宜枉駕顧之備由是詣亮凡三往乃見因屏人曰漢室傾頽姦臣竊命孤不度德量力欲信大義於天下而智術淺短遂用猖獗至于今日然志猶未已君謂計將安出亮曰今曹操已擁百萬之衆挾天子以令諸侯此誠不可與爭鋒孫權據有江東已歷三世國險而民附賢能爲之用此可與爲援而不可圖也荊州北據漢沔利盡南海東連吳會西通巴蜀此用武之國而其主不能守此殆天所以資將軍也益州險塞沃野千里天府之土劉璋闇弱張魯在北民殷國富而不知存恤智能之士思得明君將軍旣帝室之胄信義著於四海若跨有荊益保其巖阻西和諸戎南撫夷越外結孫權內脩政理天下有變則命一上將將荊州之軍以向宛洛將軍身率益州之衆出於秦川百姓孰敢不箝食壺漿以迎將軍者乎誠如是則霸業可成漢室可興矣備曰善於是與亮情好日密關羽張飛不悅備解之曰孤之有孔明猶魚之有水也願諸君勿復言羽飛乃止徽清雅有知人之鑑同縣龐德公素有重名徽兄事之亮每至其家獨拜牀下德公初不令止士元名統德公從子也少樸鈍未有識者唯德公與徽重之德公常謂孔明爲臥龍士元爲鳳雛德操爲水鑑故德操與

備語而

集覽

襄陽春秋楚邑秦蕪天下自漢稱之

南為南郡今荆州是襄陽乃南陽南郡二郡之地隋唐為襄州宋陞襄陽府隆中本傳注云家于南陽鄧縣號曰隆中欲信信與伸通荆州禹貢荆州孔安國曰荆州之域北距南條荆山南盡衡山之陽春秋楚之郢都秦漢置南郡今江陵府是漢沔括地志云沔水出武都郡東南入江漢水源出梁州金牛縣東一十八里蟠冢山如淳曰沔陽人謂漢水為沔水顏師古曰漢上曰沔沔陽屬漢中郡章懷曰漢水出漢陽蟠冢沮沔二水出武都東狼谷封禪書曰沔祠漢中索隱曰水經云沔水出武都沮縣注云東南注漢所謂漢水也

故祠之漢中吳會吳都曰吳會今蘇州是宋陞平江府圖經云吳東南一都會也正義曰吳地為荆揚交廣之都會天府之土財物所聚曰府言益州之地物產饒多可備贍給張魯即五斗米賊以鬼道惑人久據漢中宛洛宛音鴛南陽宛縣洛謂洛陽秦川按秦川南連秦嶺西接隴山杜佑通典云漢陽有大坂曰隴坻登隴東望秦川極目泯然三秦記云長安正南山名秦嶺水流出秦川羅壁識遺曰秦川乃關中別號德操司馬徽表字**實**一統志云襄陽古邑名周為穀鄧鄠盧羅郡之地春秋時屬楚秦為南郡及南陽郡地漢因之東漢末劉表為荆州刺史徙治襄陽縣三國魏徙置宜城以地在襄水之陽故

名晉亦為荊州治所東晉於襄陽橋置雍州
 梁置南雍州西魏改曰襄州隋初郡廢州存
 立山南道行臺并總管府煬帝時州城並罷
 復置襄陽郡治襄陽縣唐初復置襄州山南
 東道治此復為襄陽郡又為襄陽府復為襄
 州五代梁唐置忠義軍宋復為襄陽府元改
 為襄陽路 本朝復為襄陽府屬湖廣道琅
 邪郡名注見新莽天鳳四年隆中山名在襄
 陽府城西北二十五里下有隆中書院漢諸
 葛亮嘗隱於此管仲注見宋武帝大明二年
 樂毅靈壽人樂羊之後自魏遼燕燕昭王以
 為亞卿伐齊下七十餘城封為昌國君後奔
 趙封為望諸君漢高帝時求毅後得其孫樂
 叔封之樂卿曰華城君荊州舜之所置春秋

時為楚郢都秦拔郢置南郡漢初為臨江國
 尋改為臨江郡後置荊州刺史南郡隸焉三
 國初屬蜀漢後屬吳晉初為新郡尋復為南
 郡隋因之唐初復為荊州天寶中改江陵郡
 上元初改江陵路宋初置荊湖北路後改為
 荊南府元改江陵路 本朝改為荊州府隸
 湖廣道漢沔二水名漢在漢陽府城北五里
 禹貢嶓冢導漾東流為漢是也沔在漢陽府
 城西南三十里源出襄水南入大江與漢水
 合流按三國志以前書傳多稱漢不言沔三
 國志以後多稱沔不言漢先儒皆疑漢沔為
 一然今二水源流不同惟書疏引應劭云沔
 水下尾與漢合乃入江為得其實南海郡名
 注見晉武帝太康元年交廣巴蜀二郡名巴



注見周顯王五年蜀注見後王建興三年益州注同上年宛洛二縣名宛注見周赧王十七年洛注見周顯王三年

書法

特筆也入綱目未有書見賢者於是特書交予之也備之業定於隆中終

綱目書見賢一而已

發明

自三代衰王政廢士之隨世就功名者多矣當漢之末群雄雲擾凡一智一能之士莫不乘時奮發斬以自見孰謂一世人能如孔明者方且高臥隆中抱膝長吟畧無意於當世而又以管樂自許者哉向使昭烈不垂三顧之勤則將槁死巖

穴與草木俱腐耳及其一起則功名事業彪炳顯著不可得而泯沒亮豈大言無當者彼其擇理甚精而處已甚明謂枉已不可以直人也故不苟合以求售謂托身不可以非所也故不肯苟仕於僭竊時乎未遇則高蹈丘園道苟可行則奮志事業君臣既合魚水相懽則聲大義於天下使與衰繼絕翊扶正統之志昭如日星然後篡竊之徒其罪始暴白而不可掩是豈區區一智一能之士隨世就功名者可同日語哉書劉備見諸葛亮於隆中其與聘莘野訪涓濱者越千載如出一轍嗚呼三代而下孰謂出處之正有如孔明者哉不有君子表而出之則孔明亦後世人物耳噫


戊十三年春正月曹操還鄴作玄武池以肄舟

師質實一統志云玄武池在彰德府城西南七十五里○孫權擊江夏

太守黃祖破斬之

初巴郡甘寧將僮客八百人歸劉表觀表事執終必無成欲東入吳黃祖在夏口軍不得過乃留依祖三年祖以凡人畜之孫權擊祖祖軍敗走權校尉凌操急追之寧射殺操祖得免軍罷還營待寧如初都督蘇飛數薦寧不用乃白以為邾長寧遂亡韓孫權周瑜呂蒙共薦達之寧獻策曰今漢祚日微曹操終為篡盜南荆形便誠國之西執也寧觀劉表

慮既不遠兒子又劣至尊當早圖之不可後操圖之之計宜先取黃祖祖今昏耄已甚財穀並乏左右貪縱吏士心怨舟船戰具頓廢不脩怠於耕農軍無法伍至尊今往其破可必一破祖軍鼓行而西據楚關大執彌廣即可漸規巴蜀矣權深納之張昭難曰今吳下業業若軍果行恐必致亂寧謂昭曰國家以蕭何之任付君君居守而憂亂奚以希慕古人乎權舉酒屬寧曰興霸今年行討如此酒矣決以付卿但當勉建方畧何嫌張長史之言乎權遂西擊黃祖祖橫兩蒙衝挾守沔口大繼繫矴千弩交射軍不得前將軍董襲司馬凌統各將敢死百人人被兩鎧乘大舸突入蒙衝裏裝以刀斷繼蒙衝乃橫流大兵遂



進祖令陳就逆戰。日蒙親梟就首。於是水陸並進。遂屠其城。祖挺身走。追斬之。又欲殺蘇飛。其寧下席叩頭流涕。言飛舊恩。乞其首領。權乃舍之。凌操子統欲殺寧。權命統不得讎之。令寧

集覽

夏口一名魯口。似指夏水之口。屯他所。然何尚之云。夏口在荆江之中。

正對沔口。章懷太子注。東漢亦謂夏口。成在今鄂州。故唐史皆指鄂州為夏口。本在江口。自孫權取對岸夏口之名。以名之。而江北之名始晦。水經云。夏水在江夏西。冬竭。夏流。故名夏水。晦庵曰。夏水入江處。今名夏口。即詩所謂江有汜也。邾長邾縣令長也。邾注見漢王劉邦元年。南荆春秋。楚之郢都。秦置南郡。三國漢關羽既沒。南郡屬吳。荆州之名。南

雙立。魏立荆州。理宛。今南陽是。吳立荆州。理江陵。今郡城是。是謂南荆。頓廢。左傳襄四年。甲兵不頓。注頓壞也。興霸其寧表字。蒙衝戰船也。所以衝突敵船。字與艨艟通。釋名上下重板曰艦。外狹而長曰艨。艦沔口在江夏沙羨縣域中。今漢陽是。水經云。自江陵縣過華容縣東。至雲杜縣入沔。謂之賭口。自賭口下沔水。過夏口。會于江。所謂沔口。即此。大繼繫。可。繼音薛。長繩也。繫音系。聯屬也。可。丁定反。錘舟石也。今海舟皆用之。**質實**。一。志云。夏口在武昌府荆江之中。正對沔口。唐章懷太子註。東漢亦謂夏口。成在今鄂州。故唐史皆稱鄂州為夏口。本在江北。自孫權取對岸名夏口。而江北之名始晦。又云。魯口即

夏口以其對魯山岸故名沔口在漢陽府城西南三里今名沌口劉澄之山水記沔口在滄浪水世傳屈原遇漁父作歌即此處董襲會稽人凌統餘杭人

夏六月罷三公官曹操自為丞相


操以崔琰為西曹掾毛玠為東曹掾司馬朗為主簿弟懿為文學掾琰玠並典選舉其所舉用皆清正之士雖有盛名而行不由本者終莫得進拔敦實斥華僞遜冲遜抑阿黨由是士以廉節自勵雖貴寵與服不敢過度長吏還者垢面羸衣獨乘柴車軍吏入府朝服徒行吏繫於上俗移於下操聞之歎曰用人如此使天下人人自治吾復何為哉懿少聰

達多大畧琰謂朗曰君弟聰亮明允剛斷英特非子所及也操聞而辟之懿辭以風痺操怒欲收之懿懼就職操幼子倉舒卒操傷惜之甚掾邴原有女早亡操欲求與倉舒合葬原辭曰嫁殤非禮也原之所以自容於明公公之所以待原者以能守訓典而不易也若聽明公之命則是凡庸也明公焉以為哉操乃止

集覽 羸衣羸倫為柴車注見新莽地皇元年嫁殤非禮也禮媒氏禁嫁殤者注殤十九以下未嫁而死者生不以禮相接死而合

質實 毛玠陳留人司馬朗河內人邴原朱

虛人



書法

特書也書三公罷復多矣此其為持書何譏專也操嘗自為大將軍矣既而懼紹自為司空以讓之於是紹滅魏於復取也故罷三公官而自為丞相如是則不必為大將軍而尊固在矣操之姦可勝言哉

發明

書罷三公官曹操自為丞相讀之若無異義然操自欲尊異不肯復使他人在其中矣學者不可不知

以馬騰為衛尉

以騰子超為偏將軍代統其眾

秋七月曹操擊劉表○八月操殺太中大夫孔

融夷其族

融恃其才望數戲侮曹操又上書言宜準古王畿之制千里寰內不以封建諸侯操疑融所論建漸廣益憚之融與御史大夫郗慮有隙慮承操旨奏融昔在北海招合徒眾欲規不軌與孫權使語謗訕朝廷又與禰衡更相贊揚衡謂仲尼不死融答顏回復生大逆不道操遂收融并其妻子皆殺之初京兆脂習與融善每戒融剛直太過必罹世患及融死許下莫敢收者習往撫尸曰文舉舍我死吾何用生為操收習欲殺之既而赦之

集

覽 王畿之制千里禮職方氏辨九服之邦國方千里曰王畿鄭玄曰夏曰縣內天子所

居州界名也殷曰畿周亦曰畿謂之畿者責以供王稅貢也邾慮按史炤通鑑釋文邾音

綺戟反至晉元帝時邾鑿乃音丑之反有此不同及檢大宋重修廣韻唯六脂內收此字

注邾姓出高平是已許下許謂許州也許下猶洛曰洛下邾曰邾下之類

質實 郡名注見桓帝永康元年青州**彌衡**平原般人京兆郡名注見唐玄宗開元十一年許下

縣名注見建安元年文舉孔融表字

發明

自古篡奪之賊必先去其所憚之人孔融志大才高名重海內此固操之

所憚者范史謂操慮鯁大業其言是矣故綱目特書操殺而不去其官

劉表卒九月操至新野表子琮舉州降

初劉表二子琦琮表為琮娶其後妻蔡氏之姪蔡氏遂愛琮而惡琦琦不自寧與諸葛亮

謀自安之術亮不對後乃與亮升樓去梯謂曰今日上不至天下不至地言出子口而入

吾耳可以言未曰君不見申生在內而危重耳居外而安平琦意感悟會黃祖死琦求代

其任表乃以琦為江夏太守表卒琮嗣未幾曹操軍至蒯越等曰逆順有大體彊弱有定

執以人臣而拒人主逆道也以新造之楚而禦中國必危也且將軍自料何如劉備若備

不足禦曹公則雖全楚不能以自存也若足
禦曹公則備不為將軍下也琮從之操至新
野琮舉州降

集覽

申生在內而危重耳居外
操遂進兵而安申生事注見高帝十

二年晉獻公以驪姬故廢太子之下重耳亦
獻公子居於蒲太子申生以薦胙被譖自殺
時重耳來朝驪姬又譖申生之藥胙重耳知
之重耳懼遂奔翟又如齊秦繆公求重耳而
內之於晉是為文公新野
南陽新野縣今屬鄧州

質實

新野縣名注
見平帝元始

四年

劉備奔江陵操追至當陽及之備走夏口

劉備屯樊琮降而不以告備久乃覺則操已
在宛矣備乃大驚或勸備攻琮荆州可得備
曰劉荆州臨亡託我以孤遺背信自濟死何
面目以見劉荆州乎將其眾去過襄陽呼琮
琮懼不能起琮左右及荆州人多歸備備過
辭表墓涕泣而去比到當陽眾十餘萬人輜
重數十兩日行十餘里別遣關羽乘船會江
陵或謂備宜速行保江陵今擁大眾被甲者
少曹公兵至何以拒之備曰夫濟大事必以
人為本今人歸吾吾何忍棄去習鑿齒曰玄
德顛沛險難而信義愈明玆偏事危而言不
失道追景升之顧則情感三軍戀赴義之士
則其與同敗終濟大業不亦宜乎○琮將王
威曰曹操聞將軍既降劉備已走必懈弛無

備輕行單進若給威奇兵數千徼之於險操可獲也獲操即威震四海非徒保守今日而已琮不納操以江陵有軍實恐劉備據之乃釋輜重將精兵急追之及於當陽之長阪備棄妻子與諸葛亮張飛趙雲等數十騎走徐庶母為操所獲庶辭備指其心曰本欲與將軍共圖王霸之業者以此方寸地也今已失老母方寸亂矣無益於事請從此別遂詣操張飛拒後據水斷橋瞋目橫矛曰身是張益德也可來共決死操兵無敢近者雲抱備子禪與關羽船會得濟沔遇劉琦眾萬餘人與俱到夏口

集覽

樊城名在北五里或謂即仲山甫所封樊國非也徼之於險徼音伊哨反遮也字與要通孟子使數

數

人要於路軍實謂車徒器械芻糧之類當陽之長坂南陽當陽縣今屬荊門州縣在州西北九十里元和志云綠林山在當陽縣東南百二十里即所謂當陽之長坂也

質實

一統志云樊城名在襄陽府城北漢江上與襄陽對峙即周仲山甫所封之樊國也宛縣名注見周赧王十七年劉表墓在襄陽府城東當陽漢之縣名屬南郡後周於此置平州及漳川郡隋初郡廢改為玉州後廢之唐初復置平州又改為玉州尋省五代時高氏置荆門軍於此宋紹興中以縣省入長林後復置元因之本朝改屬荊州府江陵漢之縣名為南郡治所東漢省郢縣入江陵唐以安興縣省入宋元仍舊本朝因之改屬襄陽

府長坂在荊州府當陽縣北一百一十五里

操進軍江陵

曹操進軍江陵釋韓嵩之囚以為太鴻臚初袁紹在冀州遣使迎汝南士大夫西平和洽以為冀州士民疆英桀所利四戰之地不如荊州土險民弱易依倚也遂從劉表表以上客待之洽曰所以不從本初辟爭地也昏世之主不可黷近久而不去讒慝將興遂南之武陵表辟劉望之為從事而其友二人皆以讒誅望之又以正諫不合投傳告歸弟爽謂曰趙殺鳴犢仲尼回輪今兄既不能法柳下惠和光於內則宜模範蠶遷化於外坐而

自絕於時殆不可也望之不從尋亦見害廣奔陽州於是操以洽與為椽屬從人望也劉璋遣別駕張松致敬於操松為人短小放蕩操以定荊州走劉備不存錄松松怨之歸勸璋絕操與劉備相結璋從之習鑿齒曰昔齊桓一矜其功而叛者九國曹操暫自驕伐而天下三分皆勤之於數十年之內而棄之於俯仰之頃豈不惜乎

集覽

西平汝南

西平縣按汝南古蔡州也今改汝寧府辟爭地辟與避通爭地謂冀州英桀必爭之地投傳投納傳符也後書陳蕃以諫爭不合投傳而去即此與羊至反趙殺鳴犢仲尼回輪孔子既不得用於衛將西見趙簡子至河聞竇鳴犢舜華之死也臨河嘆曰丘之不濟此命

也夫竇鳴犢舜華晉之賢大夫也今乃殺之
 遂反衛案戰國策顏師古說二人姓名曰鳴
 犢鐸犢古今人表曰鳴犢竇犢說苑權謀篇
 曰晉有鐸名竇犢其不同如此前書劉輔傳
 載谷永上書曰趙簡子殺其大夫鳴犢韓退
 之將歸操亦曰孔子之趙聞殺鳴犢作至史
 記世家乃曰竇鳴犢舜華索隱曰家語云殺
 竇雙鳴犢及舜華國語云鳴鐸竇犢則竇犢
 字鳴犢聲轉字異或作鳴鐸慶華當作舜華
 諸說皆同法柳下惠和光於內法則效也柳
 下惠不羞汗君不辭小官和光而同塵老子
 玄德章曰和其光同其塵是謂玄同注和者
 言當晦其光不以炫於人當與眾同塵不當
 自殊別也玄天也人能行此是為與天同道

模范蠡遷化於外模亦法也范蠡春秋越大
 夫越王句踐欲伐吳范蠡不可後越竟滅吳
 蠡遂扁舟浮于五湖不存錄松存恤問
 也錄收拾也謂不存恤張松而錄用之
 一統志云西平漢之縣名屬汝南郡東漢末
 廢之後魏復置并置襄城郡北齊改文城郡
 隋初郡廢以縣屬蔡州大業初縣廢唐初復
 置貞觀初省入鄆城開元間再置屬蔡州宋
 金元仍舊本朝因之改屬汝寧府汝南郡
 名注見光武建武十九年武陵郡名注同上
 年仲尼孔子字仲尼其先宋人六世祖孔父
 嘉之子奔魯遂為魯人父叔梁紇母顏氏禱
 於尼丘生孔子因名丘少習禮容造周見老
 子既反而弟子益進造齊景公欲以尼谿田


質實

封孔子晏嬰沮之退而修詩書禮樂魯定公以孔子為中都宰一年四方皆則之進為司空復為大司寇三月而誅少正卯齊懼與魯會於夾谷孔子攝行相事遂歸所侵之田還墮三都齊人饋女樂而孔子適衛歷聘各國復歸魯正樂晚而喜易因魯史作春秋年七十三卒弟子心喪三年魯追謚尼父漢追謚宣尼公後周追封鄒國公唐追封文宣王宋加至聖元加大成自漢以來皆封其後本朝益尊崇之世封其後為衍聖公擇其後之賢者世知曲阜縣柳下惠姓展名禽魯人居柳下仕魯為士師三黜而不去人問之曰直道而事人焉往而不三黜枉道而事人何必去父母之邦平謚曰惠孟子稱其不羞汙君不辭小官進不隱賢必以其道范蠡南陽宛人事越王勾踐苦身戮力與謀滅吳以報會稽之耻及勾踐既霸遂辭越乘舟浮於五湖出齊變姓名號鴟夷子皮之陶為陶朱公三致千金再分與貧交昆弟天下言富者稱陶朱公

冬十月朔日食○曹操東下孫權遣周瑜魯肅

等與劉備迎擊於赤壁大破之操引還

初魯肅言於孫權曰荊州與國鄰接江山險固沃野萬里士民殷富若據而有之此帝王之資也今劉表新亡二子不協軍中諸將各有彼此劉備天下梟雄與操有隙若與彼協



心上下齊同則宜撫安與結盟好如有離違
宜別圖之以濟大事肅請得奉命弔表二子
并慰勞其軍中用事者及說備使撫表衆同
心一意共治曹操備必喜而從命如其克諾
天下可定也今不速往恐爲操所先權卽遣
肅行到夏口聞操已向荊州晨夜兼道比至
南郡而琮已降肅遂迎備於當陽長阪宣權
旨致殷勤之意且曰孫討虜聰明仁惠敬賢
禮士江表英豪咸歸附之已據有六郡兵精
糧多足以立事今爲君計莫若遣腹心自結
於東以共濟世業備甚悅肅又謂諸葛亮曰
我子瑜友也卽共定交子瑜者亮兄瑾也爲
權長史備進住樊口操將順江東下亮謂備
曰事急矣請奉命求救於孫將軍遂與肅俱

請孫權見於柴桑說曰海內大亂將軍起兵
江東劉豫州收衆漢南與曹操並爭天下今
操芟夷大難畧已平矣遂破荊州威震四海
英雄無用武之地故豫州遁逃至此願將軍
量力而處之若能以吳越之衆與中國抗衡
不如早與之絕若不能何不按兵束甲北面
而事之今將軍外託服從之名而內懷猶豫
之計事急而不斷禍至無日矣權曰苟如君
言劉豫州何不遂事之乎亮曰田橫齊之壯
士耳猶守義不辱况劉豫州王室之胄英才
蓋世衆士慕仰若水之歸海若事之不濟此
乃天也安能復爲之下乎權勃然曰吾不能
舉全吳之地十萬之衆受制於人吾計決矣
非劉豫州莫可以當曹操者然豫州新敗安

能抗此難乎亮曰豫州軍雖敗於長坂今戰士還者及關羽水軍精甲萬人劉琦合江夏戰士亦不下萬人曹操之衆遠來疲敝聞追豫州輕騎一日一夜行三百餘里此所謂彊弩之末勢不能穿魯縞者也故兵法忌之曰必蹶上將軍且北方之人不習水戰又荊州之民附操者偪兵執耳非心服也今將軍誠能命猛將統兵數萬與豫州協規同力破操軍必矣操軍破必北還如此則荆吳之執彊鼎足之形成矣成敗之機在於今日權大悅時操遺權書曰近者奉辭伐罪劉琮束手今治水軍八十萬衆方與將軍會獵於吳權以示群下莫不失色張昭等曰曹公豺虎也挾天子以征四方拒之不順且將軍大執可以拒操者長江也今操得荊州水軍蒙衝鬪艦乃以千數浮以沿江水陸俱下此爲長江之險已與我共之矣而執力衆寡又不可論愚謂大計不如迎之魯肅獨不言權起更衣肅追於宇下權知其意執肅手曰卿欲何言肅曰向察衆人之議專欲誤將軍不足與圖大事今肅可迎操耳如將軍不可也何以言之今肅迎操操當以肅還付鄉黨品其名位猶不失下曹從事棄犢車從吏卒交游士林累官故不失州郡也將軍迎操欲安所歸乎願早定大計莫用衆人之議也權歎息曰諸人持議甚失孤望今卿廓開大計正與孤同時肅瑜受使至番陽肅勸權召瑜還瑜至謂權曰操雖託名廣相實漢賊也將專以神武雄

水燕仗父兄之烈割據江東地方數千里兵
精足用英雄樂業當橫行天下為國家除殘
去穢况操自送死而可迎之邪請為將軍籌
之今北土未平馬超韓遂為操後患而操舍
鞍馬杖舟楫與吳越爭衡又今盛寒馬無橐
草驅中國士眾遠涉江湖之間不習水土必
生疾病此數者用兵之患也而操皆冒行之
將軍禽操宜在今日瑜請得精兵數萬人進
住夏口保為將軍破之權曰老賊欲廢漢自
立久矣徒忌二袁呂布劉表與孤耳今數雄
已滅惟孤尚存孤與老賊執不兩立君言當
擊甚與孤合此天以君授孤也因拔刀斫前
奏案曰諸將吏敢有復言當迎操者與此案
同乃罷會是夜瑜復見權曰諸人徒見操書

言水步八十萬而各恐懼甚無謂也今以
校之彼所將中國人不過十五六萬且已久
疲所得表眾亦極七八萬耳尚懷狐疑夫以
疲病之卒御狐疑之眾眾數雖多甚不足畏
瑜得精兵五萬自足制之願將軍勿慮權撫
其背曰公瑾卿言至此甚合孤心子布元表
各顧妻子深失所望獨卿與子敬與孤同耳
此天以卿二人贊孤也已選三萬人船糧戰
具俱辦卿與子敬程公便在前發孤當續發
人眾多載資糧為卿後援遂以周瑜程普為
左右督與備并力逆操以魯肅為贊軍校尉
助畫方略劉備望見瑜船乘單舸往見瑜問
戰卒有幾瑜曰三萬人備曰恨少瑜曰此自
足用豫州但觀瑜破之備深愧喜進與操遇

於赤壁時操軍已有疾疫初一交戰操軍不利引次江北瑜等在南岸瑜部將黃蓋曰今寇衆我寡難與持久操軍方連船艦首尾相接可燒而走也乃取蒙衝鬪艦十艘載燥荻枯柴灌油其中累以帷幕上建旌旗豫備走舸繫於其尾先以書遺操詐云欲降時東南風急蓋以十艦最著前中江舉帆餘船以次俱進操軍吏士皆出營立觀指言蓋降去北軍二里餘同時發火火烈風猛船往如箭燒盡北船延及岸上營落頃之煙燄張天人馬燒溺死者甚衆瑜等率輕銳繼其後雷鼓大進北軍大壞操引軍走遇泥濘道不通悉使羸兵負草填之蹈藉死者甚衆天又大風劉備周瑜水陸並進追至南郡操軍死者大半

還

操乃留曹仁守江陵樂進守襄陽引軍北還其寧徑進取夷陵守之益州將襲肅舉軍降瑜以肅兵益呂蒙蒙盛稱肅有膽畧且慕化遠來於義宜益不宜奪也權善其言還肅兵曹仁圍其寧蒙謂瑜曰留凌公績於江陵蒙與君行解圍釋急執亦不久蒙保公績能十日守也瑜從之六破仁兵於夷陵於是將十形執自倍瑜乃渡江屯北岸與仁相拒

集

覽 梟雄梟勇健也雄武稱也仲馬曰梟謂善鬪也

南郡秦 燕天下言漢以北為南陽今鄧州是自漢以南為南郡今荆州是即江陵府也樊口在江夏郡鄂縣蘇東坡遊寒溪西山詩千搖萬兀到樊口一箭放溜先鳧鷺注樊口即武昌縣

樊口也在江南岸赤壁居其上游柴桑樓賢
院記柴桑山名在今江州德化縣西南九十
里近栗里源陶潛此中人也廬山記柴桑本
縣名陶潛宅在焉晉置江州又分尋陽柴桑
二縣置尋陽郡田橫齊之壯士七國時齊王
田儋死橫自立及項羽滅橫懼誅與其徒五
百人入居海島漢高赦而召之橫與其客二
人詣洛陽未至三十里自殺帝拜二客爲都
尉以王禮葬田橫既葬二客穿其冢旁皆自
刳下從之帝又召其海中五百人使至聞橫
死亦皆自殺江夏春秋時謂之夏汭漢置江
夏郡領鄂縣入三國吳孫權自公安徙治鄂
更名武昌隋改鄂州魯縯繒之精白者曰縯
曲阜之俗善作之尤爲輕細故謂之魯縯縯

上將軍注見周顯王二十八年子布元表子
布張昭字也下言於上曰表元表謂當元所
言也昭嘗言不如迎之程公謂程普赤壁按
方輿勝覽黃州注引水經載赤鼻山齊安拾
遺遂以赤鼻山爲赤壁山其說乖繆蓋周瑜
自柴桑至武昌縣樊口而後遇於赤壁則赤
壁當臨大江在樊口之上今赤鼻山在樊口
對岸何待進軍而後遇之乎又赤壁初戰操
軍不利引次江北而後有烏林之敗則烏林
當在江之北岸赤壁在江之南岸今乃云赤
壁在江之北亦非也然蘇子瞻赤壁賦云此
非孟德之困於周郎者乎乃疑似語其大江
東去之詞亦云人道是三國周郎赤壁此又
可見矣且子瞻嘗云黃州守居之數百步爲

赤壁或言卽周瑜破曹公處不知是否又案鄂州赤壁山注引郡縣志云赤壁在蒲圻縣西北二十里北岸烏林與赤壁相對此卽周瑜用黃蓋策焚曹公船處也今江漢間言赤壁者五謂漢陽漢川黃州嘉魚江夏其說雖各有所據惟江夏之說近古而合於中烏林與赤壁卽非一地也烏林注見建安二十二年襲肅姓名也益州之將公績凌統表字誤子布元表各顧妻子今按張昭字子布秦權曰子布元表諸人各顧妻子恐文誤作元或一字无表也及考三國志呂蒙傳孫權曰孟德張言率衆水步俱下子布文表俱言迎之通鑑建安二十四年亦載孫權云孟德率

俱下張子布秦文表俱言直遣使修檄迎之三書皆作文表又江表傳云曹公責孫權任子張昭秦松等猶豫不能決周瑜曰不如勿遣亦一證也集覽縱不知元表爲秦松之字獨不詳各字之義乎孫權若責子布一人何以言各顧妻子也質實南郡注見建安十二年一統志云樊口在武昌府武昌縣西四里樊山之下與西山相連柴桑漢之縣名屬豫章郡東漢及晉宋皆因之隋改爲益城縣後省之故城在九江府城南九十里江夏郡名注見唐僖宗乾符四年鄂州番陽縣名注見秦二世二年赤壁山名在武昌府城東南九十里唐元和志在蒲圻縣西一百二十里北岸烏林與赤壁相對卽周瑜焚曹

操船處圖經云在嘉魚縣西七十里其地今屬嘉魚宋蘇軾指黃州赤鼻山為赤壁蓋劉備居樊口進兵逆操遇於赤壁則赤壁當在樊口之上又赤壁初戰操軍不利引次江北在赤壁當在江南亦不應在江北今江漢間言赤壁者五漢陽漢川黃州嘉魚江夏惟江夏之說合於史黃蓋零陵人樂進衛國人程晉右北平土垠人夷陵縣名注見光武建武九年田橫故齊王榮弟項羽破齊復擊漢田橫乃以散兵復散齊城邑立榮子廣為王而相之及廣死橫自立為王漢高帝既立橫與其徒五百餘人入居海島高帝召之乃乘舟詣洛陽未至自到其徒五百人聞橫死亦皆自殺

書法

東下何盛辭也故特書迎擊是役也微迎擊則吳事去矣

發明

赤壁之勝吳人專有其功是以他日荆州之爭關羽方詰魯肅以謂烏林之役左將軍親在行間戮力破賊而魯肅則謂始與豫州觀於長坂志勢摧弱主上矜愍以濟其患如此則其功固有所歸矣今綱目於此乃書瑜肅等與備迎擊破之何哉蓋當曹操東下之時吳人震懼謀欲迎操雖有周瑜魯肅定謀於內然非昭烈孔明左右感發於外則亦未必成功若是之捷觀之柴桑之說則可見矣書法如此蓋亦推求其實而權其輕重耳夫豈過哉

十二月孫權圍合肥

質實

合肥縣名注見靈帝中平五年○劉

備徇荊州江南諸郡降之

劉備表劉琦為荊州刺史引兵南徇武陵長沙桂陽零陵皆降廬江營帥雷緒率部曲數萬口歸備備以諸葛亮為軍師中郎將督諸郡賦稅以充軍實

孫權使其將賀齊討黥賊平之

丹陽黥賊帥陳僕等二萬戶屯林歷山四面壁立齊募輕捷士夜於隱處以鐵戈拓山而上縣布以援下人得上者百餘人分布四面鳴鼓角賊守路者皆驚走還大軍上攻破之


以其地為新都郡齊為太守

集覽

丹陽徐廣曰本秦之郡漢武改名丹陽郡而

丹陽都尉分治于歙黥歙二縣皆隸焉正義曰漢之丹陽理宛陵即今寧國府治也徽州亦隸焉此非晉唐之丹陽按晉丹陽治秣陵唐丹陽治京口黥音於夷反或音移徐廣曰漢丹陽郡屬縣也索隱曰新安郡有黥縣正義曰丹陽新安今徽州是鳴鼓角伐鼓吹角皆所以作勇也左傳魯桓公與齊人戰曹劌曰一鼓作氣又宋襄公反楚人戰公子魚曰金鼓以聲氣也通禮義纂曰蚩尤師魍魎與黃帝戰帝命吹角作龍鳴以禦之按角長五尺以皮為之或以竹木其形如竹筒本細而末大新都徐廣曰漢武帝改鄣郡為丹陽郡

漢書卷之十三
漢書卷之十三



漢書卷之十三

